

山右石刻叢編

□□□□者應□相告□□不已□□□本州知州楊公
□□□□彼處耳其言默□□之□□□□□之勞
訴河計源相度都□之泉□開而灌□之永蠲黎庶之患□
潤澤之利耳此地高山峻嶺齒萃嶙峋□連者若□□
者若相□相者若相佐合者若相□高者若相蹲□者若相
踈錯者若相□□亂者若篆籀其上下內外說石巍乎如頁
領□□□□□□□□天外也公眎山川□□阻□
難通於是乎□□鳩工駕橋□□堤堰決溝壑構雲棧鑿崖
斷石穿巨穴入探竅手足胼胝人無咨嗟□無□□不日而
成乃飛流投澗□山□□之脉分開□□□行蚓走無有□
通而治畎導餘波去別墅俾□□□產□無疵癘歲屢豐
登□籲眾咸各適□□屈受遺愛潤澤之惠□致一黨安□有

生利其利來政樂其樂私喜公之所行之□□非才智過於
人者其□□一日耆耄百餘懽頌交騰衆□一言可以□之
□謁余不腆之文述興利除弊之政刻諸堅石久示后人傳
之不朽而□□無私報之礼内不愧於心者□來之意也余
不敏至愚且□其□□而動其□哉然既承命不□為拙
語以記其實噫人之為辭者文而不實余之□□□□□
而不文姑言其實非為文也若夫興利除弊之政惠民愛物
之德集賢大學士中奉大夫王公文中備矣何□重辭

大德十年春正月哉生明

承事郎同知大同路□州事□□謨

鄉貢進士寶寅書并□

司吏郭景□ 董□ □德□ 和中孚 □□□□

□□

里正石□□□□石□

吏目張□

敦武校尉平定州判官□□

承務郎同知平定州事王□

奉直大夫平定州知州兼管諸軍與魯勸農事楊□

敦武校尉平定州達魯花赤兼管諸軍與魯勸農事□□

大德十年歲次丙午閏正月十六日杜長亂柳闔村耆老人等立石

黃村石匠□□刊

校碑爲楊公開亂柳水利而立惜文多磨泐所云鑿厓斷石治畎導波者猶可略見其施功之概碑末有集賢大學

士中奉大夫王公文備矣書人爲鄉貢進士寶寅所列諸
官有平定州判官同知王知州楊達魯花赤則姓名皆缺
按州志謂平定山皆石水大者行兩山間小者盈涸無常
均不利灌溉僅載承天山水田及磨河灘水磨二事此碑
言開水利事亦未始非州境導水治田之一證楊公名州
志亦闕韓粹中重修靈源公廟碑大德甲辰四月己丑奉
直大夫楊公來知是州此碑立大德十年閏正月距八年
僅一朞疑卽其人

大德甲辰卽
大德八年

文水重建文廟記

碑高三尺一寸六分廣一尺八寸二分二
十四行行四十二字正書今在文水縣

重建文廟記

禮莫先於報本政莫大於奉公報本者嚴敬誠信之至奉公

者庶能貞幹之為記曰死不敬書曰政不惟官惟其人苟非
其人雖有禮樂政事其何如哉大德乙巳秋七月二十八日
成功忝膺是職

至聖文宣王禮畢薦其廟制煥然一新暇日計□□□□□
□□□□□劉公文卿也大德癸卯三月始蒞其□初廟宇
廊廡前縣尹房山李公重修也是歲秋八月上旬□□□□
□□邑民室□□廟宇搖搖摧圯掃地一空俱為瓦礫而民
多傷其命是時人心□恐□□公□□□李公□□□□
日□□與撫慰未暇葺理諸賢□皆為土木所覆惟

聖人像幸存焉上構以棚厦粗蔽風雨雖然劉公□李公每
朔望□□廢□九月

朝廷頒降錢米賑濟邑民稍蘇劉公曰

聖人百世之師也祀有常典豈可忽乎與李公□□會議分
治其事□公監修公廨於是鳩集鄉社之主首者□董工役
公日夜憂勤不避風日未遑暇食其經營規度指導工師一
一無不親臨焉凡材木之有未備者輒出口資使人求焉大
槩與房山李公重修不異其廟貌等第比之嚮日尤加壯麗
其功始興於大德八年十月二十□日落成於大德九年三
月十有七日成功歎賞曰文陽興寧巨邑又遇如此之賢令
尹也不惟使閩境之民有所矜式後進人材從此而出亦我
輩之幸也越三日仲秋上丁劉公與李公及諸儒生備三獻
禮儀釋□于

至聖文宣王雍雍肅肅一時之盛真可觀矣非嚴敬報本之
至廉能奉政之公其孰能與於此哉他日瓜代而□思之與

山石不刻卷三十一
頌其甘棠之美矣鄉中士夫刻石記公之實不愧荒魯以道
其萬一云爾

時大德十年二月一日記

前權教諭進士張儼書丹

文水縣儒學教諭武成功撰并題額

司吏楊禎 孟時昇 梁天澤 常熙 田秉彝 張斌

典史王欽

文水縣尉梁德祿

進義副尉文水縣主簿李公讓

從仕郎文水縣尹兼管諸軍奧魯管內勸農事劉世傑

進義副尉文水縣達魯花赤兼管諸軍奧魯管內勸農事

帖木兒不花

大元大德十年歲次丙午二月十有五日郡人楊思義

高彥才立石

監修立石司吏梁天澤

起蓋司吏張德忠

石匠榮思潤、張彥通

校文水縣志學宮宋元符間建金天德三年縣令呂孝揚

元至正十四年許繼誠並重葺之無此碑修建官名校碑言廟宇

廊廡前縣尹房山李公所修是歲秋八月上旬下有闕文校是歲以

碑考之即廟宇撼搖摧圯掃地一空民多傷其命九月朝

廷頒降錢米邑民稍蘇以元史考之成宗紀大德七年八

月辛卯地震平陽太原尤甚人民壓死不可勝計遣使分

道振濟爲鈔九萬六千五百餘錠皆與碑合大德癸卯即七年不言文

水史碑所言前縣尹李公當卽職官之縣尹李榮縣志稱略也

其修學造祭器成園圃築官舍縣志職官元縣尹李榮其曰劉公與

李公會議分治其事者劉公卽碑末所題之縣尹劉世傑

李公卽主簿李公讓縣志劉世傑修學今縣志無大德修學事得

此碑可補其闕碑爲教諭武成功撰進士張儼書成功暨

公讓碑末所列之典史王欽今縣志皆見尉梁德祿達魯

花赤帖木兒不花縣志皆無宜据碑補

郭章烏衣怨詞

碑高二尺廣一尺八寸五分十一行行十二字字徑一寸二分行書今在浮山縣

翠栢丹崖碧雲深鎖神僊府口盤龍虎樓觀雄中土我欲停

車又恐斜陽暮黃塵路客懷良苦滿自西山雨

右樂府烏衣怨大德丙午秋仲月上旬有九日敬謁

天聖宮繆作為吾弟故縣令介卿縣尉李公安之戚
儀因公書于寓居之官舍前 翰林修撰同知制誥
燕國史院編修官奉訓大夫監察御史肅齋郭章謹
識

霍嶽廟田地詔

碑高三尺二寸五分廣一尺六寸七分
十一行行三十二字正書今在霍州

長生天靈力裏

皇帝福廕裏

海山太子令旨晉寧路總管府官人每根底霍州達魯花赤
官人每根底五嶽五鎮四海四瀆

咱每的神祈有這霍州裏所屬的中鎮霍嶽廟

咱每的先生苗宗師住持有那廟裏所屬的田產不揀甚麼

他每的不以是誰休做主者每年那田地的田禾菓木依在先躰例裏裴道判苑川觀提調着

咱每根底与將來者別人每休侵占者他每却倚這般道來麼沒躰例的句當行呵他每不怕那

今旨俺的馬兒年七月二十一日把不匣納有時分寫來

大元大德丁未正月吉日知廟道士解志清立石

石匠鄭寬刊

按碑云長生天氣力裏皇帝福廕裏海山太子令旨晉甯

路總管府官人云云按元史武宗紀諱海山欽定本順宗作哈尚

之長子碑所謂海山太子者是也武宗成宗從子故得稱太子大德九

年改平陽曰晉甯故碑稱晉甯路末題那令旨俺的馬兒

年七月二十一日把不匣納有時分寫來仁宗紀大德十

年七月自托果斯圖之地踰阿勒台山追叛王烏魯斯八月至雅爾達實之地受諸降王圖們莽賚特穆爾等降按元祕史紀年皆同此碑如所云兔兒年之類是此云馬年爲丙午卽大德十年其云七月令旨寫來卽仁宗踰阿勒台山追叛王時曰太子曰令旨有以見其時仁宗地位之崇成宗崩內外戴仁宗無異詞固有由也

長治重建文廟記

碑高三尺一寸七分廣一尺八寸三分二
十八行行五十六字正書今在長治縣

重修文廟學記

河間路儒學教授李經國書丹

懷孟路儒學教授范子廉篆額

古者國有學術有序黨有庠家有塾屬其民人相與講明道

藝於其中卽其學位

先聖先師不忘乎本是以有釋菜

奠幣之禮蓋因學以有廟也後之學者孰不宗焉以謂

夫子之德巍巍然配天地昭昭然如日月孟子曰以予觀於
夫子賢於堯舜遠矣自生民以來所未有爰自京師至於郡
邑皆立廟而通祀之亘萬世不易之道路之廟學其來尚矣
正位禮殿與夫衆賢之廡講授之堂齋居之所牲薦之厨應
圖合制其興造之始末先儒之石刻詳矣大德癸卯坤輿震
動悉為隳圯惟正殿僅存墻壁傾仆 聖像損缺堂基鞠
草瓦礫盈庭四易寒暑孰加完葺歲舍丙午監州咬住奉直
同知王承務判官李敦武州從事王敬璋莅政之服務以興
修廟學為事蓋以

國家守成尚文有司當振飭文事贊久安長治之盛

聖天子踐祚之初

詔諸路府州縣邑應設廟學書院

廟宇損壞隨即修完公等寅奉

教條同謀協慮更相贊和黽勉朝夕庀徒蒞事工力偕作再

完殿壁益新

聖儀構東西廡四十間戶牖門墻黝堊丹

漆舉之以法堅整高明視大邦君之居

夫子南面垂旒

被袞鄒兗兩公十哲之位侍章施足繪七十二子大儒之像

為卷軸九十有六從祀之日張而懸之訖事韞於櫝中為禮

器三百餘事足供奠設增置書三百八十餘卷縑素彩繪之

資工匠飲食之費蓋州之屬邑里居士夫暨鄉之富而好義

者共樂為之助經始於是年二月初落成於六月之終嚴

嚴翼翼截然一新在侯伯之國禮典之廟為獨異四方來觀

者皆口喜稱歎咸謂衣冠禮樂盡萃是矣抑亦樂其尊賢育

才立學於成德堂集鄉之俊秀者時習所業除其更儒作養
人材以備擢用州之外四圍官壕地盡付於學永為贍給備
□□朔望師生廩餼之用學正張郁廣平縣人世為儒家才
德學問悉有稱道屈已誠心接人應物贊行其事比之前為
教官者有間矣直學魏必大等合辭謂僕曰是役也吾州官
長善於經度監州督視尤公勤焉昔所未完無不備具設不
紀其歲月無以昭示永久幸吾□□□僕謝曰豈敢以不腆
之辭為言於 聖人之門乎然俎豆之事固喜聞而樂

道之夫風俗天下之元氣學校王政之大綱使君臣有□□
□□□夫婦有別長幼有序朋友有信孝友睦婣任恤知仁
聖義忠和化民成俗天下豈有不學而能之者乎俾山郡之
學載闡彬彬之化愈□□□□知禮讓□誠廉隅優游

厭飫於聖賢之域日加益而不自知人有士君子之行將復振鄒魯之風矣使一鄉之人皆有所矜式而景□□□□之名何時而已哉夫創作繼述非一時而能備後之從政者當增而廣之弊則新之修飾之潤色之不亦宜乎郡人李天祿記

大德十一年丁未正月上吉日

平陽路潞州儒學正劉友諒立石

徵事郎平陽路上黨縣尹兼管本縣諸軍奧魯勸農事劉貞

平陽路上黨縣尉李敬

保義校尉平陽路上黨縣達魯花赤兼管本縣諸軍奧魯勸農事和禮台

上黨縣典史劉學

平陽路上黨縣主簿兼尉李恭祖

州吏亢珪閭用張琛耿介福秦仲元馮璋

潞州吏目王敬璋

敦武校尉平陽路潞州判官李恕

承務郎同知潞州事王思溫

知州



奉直大夫平陽路潞州達魯花赤兼管本州諸軍奧魯勸
農事咬住

縣吏張穀韓天祐曹克庸王祐王居貞

監功人賁傅崑董旺學正張郁張口司澤民王思忠朱忠

石匠提控王厚男王思仁刊

校碑題河間路儒學教授李經國書丹懷孟路儒學教授
范子廉篆額按元史地理志懷孟路延祐六年以仁宗潛
邸改懷慶路此碑立大德在延祐前故仍稱懷孟碑云路
之廟學大德癸卯坤輿震動悉爲隳圯按卽元史大德七
年八月平陽太原二路地震事碑云歲丙午監州咬住奉
直階同知王承務判官李敦武階州從事王敬璋蒞政之
暇云云按諸人名氏皆見碑末題銜碑又云聖天子踐阼
之初詔諸路府州縣邑應設廟學書院廟宇隨卽修完元
史祭祀志成宗卽位詔曲阜林廟上都大都諸路府州縣
邑廟學書院贍學土地及貢士莊以供春秋二丁朔望祭
祀修完廟宇自是天下郡學無不完葺與碑所言合碑云
爲禮器三百餘事置書三百八十餘卷州之屬邑里居士

夫暨鄉之富而好義者共樂爲助校廟以大德癸卯地震
圯丙午復修据碑所云胥出民力末題郡人李天祿記碑
末所列諸官有潞州學正劉友諒徵事郎上黨縣尹劉貞
尉李敬保義校尉上黨縣達魯花赤和禮台上黨縣典史
劉學主簿兼尉李恭祖潞州吏目王敬璋敦武校尉潞州
判官李恕承務郎同知潞州事王思溫知州關奉直大夫
潞州達魯花赤咬住碑立大德十一年正月此諸人皆以
是年任之證校元史大德九年五月改平陽爲晉甯此碑
立大德十一年而題銜仍曰平陽不曰晉甯與史異

漢武帝秋風辭

碑高一尺八寸廣一尺三寸八分
十七行行九字正書今在榮河縣

秋風辭

秋風起兮白雲飛草木黃落兮鴈南歸蘭有秀兮菊有芳携
佳人兮不能忘泛樓船兮濟汾河橫中流兮揚素波簫鼓鳴
兮發棹歌惟樂極兮哀情多少壯幾時兮柰老何

秋風辭者

漢武帝之所作也帝幸河東祀后土醺飲中流歡甚作此
文中子曰秋風染極而哀果其悔心之萌乎

大德丁未中秋日

光宅董若冲敬□

華安真子席志



按榮河縣志后土祠前有秋風樓元時刻漢武帝秋風辭
於石藏之樓下校卽此碑碑末題大德丁未中秋日光宅
董若冲敬陽華安真子席志甯若冲見至元李榮勅賜靖

應真人道行碑

云至元十一年春正月十有八日靖應真人姜公卒

是年冬其門人

提點堯禹廟事董若冲以訃聞卽其人至元十一年至大

德丁未殆三十年若冲蓋老於彼教者碑見寰宇訪碑錄

重修聖阜祠碑

碑高三尺九寸六分廣二尺一寸二寸二行行四十三字正書今在定襄縣

重修聖阜祠記

□□進士敬齋先生藥城李治撰

承務郎温州路總管府推官耿世傑書丹

嘉議大夫河東山西道提刑按察使王博文題額

正誨以附古因敝以作新振奇以耀後皆君子之所圖而世

人之所憚也彼悠悠者諄方吾襲奚暇古敝方吾媮



暇新

奇方吾媮又奚暇開厥後邪惟忻居太原孔道使駟須索如

雨毗以益罷政以益煩惟

賢帥樊侯為州旦夕响摩如

春民用安

居政用報成故凡君

子之所圖者悉舉焉定襄忻鉅縣縣東北劣一舍故聖阜祠

載古祀典

人代變

換臺老

妄

傳乃目之李

牛神

若阿武婆

殆

與小姑彭

郎

比稱號不根茲其乖刺甚白而無有

知

之者至

侯始能參考地志循實

名

以復其初祠既陳腐中更愜隘

歲時獻割偏側混淆大失所以事神識者口過拜輒蹴踏羞

出興滯起廢

通

有司所當急而人口所卹之者至侯始能撤

去

敝陋口大增崇為之一新祠四

望

翠岑插空林煙溪

霏滅

沒揮

豁

千巢萬狀然高必梯深必

縋

口得

快意

口若茲

阜平

地突起近在唐皇之杖屨從

容

飯飽一

登便獲無盡藏樂發

揚勝槩茲賢者所當任

而

人無有

厭

之者至侯始

能

鑰闕

奉

郵且沼且亭倡方來一役慙而諸美具而後乃今益知正謫

以附古因敝以作新振奇以耀後皆君子之所圖而世人之

所憚雖然竊有疑焉當侯少年以武斷鄉曲逮壯以百戰取

富貴顧視神祠之廢舉名稱之正否與夫勝地之顯晦漠不

相干涉是迤邐棄志過而弗問也乃有用心於世人之所憚

使謫斯正敝斯新奇斯振其意何哉吾靜思而慮之遂得其

說焉侯自入官以來迄今退休日與名士大夫游天資已自

高曠而見聞加博則所立之卓夫又奚若儻者潦倒老書生

雖不足以辱侯之知異日從侯登臨酒酣思發分韻賦詩猶

能詠山水之清暉道臯壤之至用夸詡于四方亦庶幾乎不

負作者之心已丙午夏六月中庚日記

聖阜詩

苒翰林學士遺山先生元好問裕之題

□丹留殘此混融 一堆寒碧見神功 巨鰲突出海波
沸 靈□□來天竺空 文石異時傳□槩 危亭何日
架晴虹 搏扶九萬非吾事 且放雲山入座中

大德十一年歲次丁未十月壬辰朔上吉日前太原路豐
贍庫大使□□立石

校碑題關進士敬齋先生欒城李治撰承務郎温州路總
管府推官耿世傑書丹嘉議大夫河東山西道提刑按察
使王博文題額校治撰聶元帥碑題銜爲翰林直學士此
碑題敬齋先生不署官與傳號敬齋合亦後人追題也元
史地理志至元十三年置温州路世傑署温州路推官則
書碑在元平宋置温州路後博文題銜與至元十一年書

王惲祭二賢祠同當亦在至元中碑有云忻居太原孔道
使驛須索如雨毗以益罷政以益煩賢帥樊侯爲州旦夕
响摩民用安居政用報成以州志考之樊侯者樊天勝元
九原府元帥定襄縣志常山軍取忻州大帥怒其民聚而
欲盡戮之天勝哀訴於帥得免後卒於官祀忻州名宦遺
山集樊侯壽冢記知郡定襄樊侯天勝以武功積官服民
政者二十年又云州之民再被更生之賜皆從吾侯得之
合諸書證之天勝固有武勳而兼修循績者碑以蒙古丙
午重修聖阜祠而立縣志聖阜祠一名聖阜寺在沙村太
平襄宇記忻州定襄縣聖阜今名聖人山在縣東北二十
里石上手足跡猶存碑末題丙午元定宗元年夏六月中庚日
記又刻元好問聖阜詩文多漫漶宜据遺山集補又後有

大德十一年歲次闕未十月壬辰前太原路豐贍庫大使
闕立石今山西布政使庫亦名豐贍庫可爲考晉故實之
助校元大德十一年系丁未此碑未字上闕文當爲丁字
按此碑言使駟須索如雨元史姚樞傳上世祖潛邸書簡
驛傳則州郡不困於須索此元初驛傳繁擾之證記文載
定襄志搨本漫漶今据志補碑立大德十一年見通志金
石記

崇聖宮碑

碑從裝本錄出尺寸行數
無稽正書今在平遙縣

太平崇聖宮碑

長生天氣力裨大福陰護助裨皇帝聖旨軍官每根底軍人
每根底城子裨達魯花赤官人每根底來往的使臣每根底

宣諭的聖旨成吉思皇帝月哥台皇帝薛禪皇帝完澤篤皇

帝聖旨裏和尚也里可溫先生每不揀甚麼差發休當天根

底禱告祈福祝壽者那般道有來如今依著在先聖旨体例

裏不揀甚麼差發休當天根底禱告祈福祝壽者麼道于道淵

授通玄微如靜照大師吳寧路平遙縣太平崇聖官住持本

宗提點通議中和大師本官提點高道陟棲遠常妙大師提

舉趙道恒這先生每根底執把待的聖旨與了也這的每官

觀每他每的房舍使臣休安下者鋪馬祇應休拿者商稅地

稅休與者但屬官觀的庄田桑土園林碾磨解典庫店倉鋪

席浴堂船隻竹葦醋麴貨不揀甚麼差發休要者不揀是誰

休倚氣力者不揀甚麼他每的休奪要者更這的每道有聖

旨麼道沒體例的勾當休做者做呵他每不怕的那聖旨俺

的

雞兒年九月初五日龍虎臺有時分寫來

按此碑山右通志金石記平遙縣志均有金石記云雞兒

年乃至大己酉武宗卽位之次年也因縣志以爲蒙哥皇

帝碑遂誤大於此今攷碑內所云成吉思皇帝太祖也月

哥台皇帝太宗也

元史作高岡台

薛禪皇帝世祖也完澤篤皇帝

成宗也龍虎臺在居庸關是年三月武宗幸上都至九月

七日丙戌始還旨發於前二日甲申近畿駐蹕時也以十

二相紀年今所見有元祕史碑刻亦間有之

絳州鼓堆有雞兒年碑當

是戊申歲所立者

詔詞率鄙俚不文實皆原譯此碑兼書蒙古字

可備掌故据此金石記已備攷始末今按續通鑑諸部長

共上元太祖尊號曰青吉斯皇帝

注舊作成吉思

至元三十一年

五月戊午上世祖廟諡國語尊稱曰色辰皇帝舊作大德

十一年八月壬申上成宗廟諡國語尊稱曰鄂勒哲圖皇

帝舊作完是元太祖世祖成宗國語稱謂均有證又按至

大二年三月庚寅帝如上都九月丙戌帝至自上都是武

宗幸上都元史亦有證太平崇聖宮已見前清虛觀碑

加封孔子勒石碑

碑高三尺五分廣二尺七寸二分十七行行二十字正書今在虞鄉縣

皇帝聖旨裏寧路平定州承奉

興寧路總管府指揮承奉

尚書禮部符文承奉

尚書省劄付本部呈浙西道廉訪司僉事翼承直言欽奉

聖旨節該加號孔子大成至聖文宣王遣使闕里祀以太牢

除欽遵外照得始自魯哀公封謚尼父至宋真宗改謚為至聖文宣王自周至于

聖朝歷千七百餘年追尊封謚雖以加重然夫子之道大□天地夫子之教明如日月未□能盡其形容□合□□路學校欽依

聖旨全文勒石以□其事本部叅詳朝廷崇禮

先聖誠為萬世之典如准所言相應都省除外合下仰照驗依上施行奉此除外省部合下仰照驗依上施行承此總府除外合下仰照驗依上施行承此州司除外合行依上勒石者

至大三年四月日

校碑云冀甯路總管府指揮承奉尚書禮部符文尚書省

劄付本部呈浙西道廉訪使僉事冀承直言欽奉聖旨云
云合闕路學校依聖旨全文勒石本部參詳朝廷崇禮先
聖誠爲萬世之典如准所言相應照驗依上施行按元史
本紀大德十一年七月辛巳加封大成至聖文宣王遣使
闕里祀以太牢與此碑合制詞闕復撰見元典章元文類
今州縣多有加封孔子制碑以此碑證之則因承直之請
而溥勅廟學又碑云承奉尚書省劄付按元史大德十一
年八月甲申立尚書省未行至大二年八月癸酉復置尚
書省更新庶政改各行中書省爲行尚書省十月庚戌皇
太子爲尚書令辛酉尚書省增戶部禮部侍郎各一員四
年正月罷尚書省碑立至大三年四月故得有尚書省符
禮部文

中條孫氏先塋碑

碑高七尺一寸三分廣二尺五寸二寸
六行行七十三字正書今在虞鄉縣

中條孫氏先塋碑銘

并序

河東劉致誤

翰林侍讀學士中順大夫知制誥同脩國史吳興趙孟頫
書

中奉大夫燕南河北道肅政廉訪使暢師文篆

至大庚戌致遊大梁泰定虛白文逸真人孫公為予言曰履
道嘗聞之先君孫氏殘金時食指將八九十人興定元口間
天兵破關陝先口殿試君携家遑難中條山之蒼龍谷
俾人懷宋金以來譜牒詰勅與夫曾高肖像以行約曰國勢
若此家從可知恐無以自全各持是無失去庸為他日識既

而國亡家亦隨貞先君時方十許歲隸太師國王戲下又十年還鄉里得女兒適陸氏者于闕右之芝川始知兄宏居洛西寬隨兵入居渾源則八九十人者僅此所謂譜牒誥勅靡一存者矣先祖大定間三舉赴殿不第乃隱居中條山授徒于家歿塋茲山故賜第在河中懋化坊者復不存先君乃徙居太原元貞始元九月二十九日捐館舍葬從殿試君兆娶二李氏二子長德裕娶田氏子三人端本明本蚤世務本孫牧童樵童魯童次則履道也渾源之緒中絕宏居鄧娶趙氏三子長蚤世次天章娶杜氏子曰□□□文本大本□本□亨娶某氏子一人蚤世先塋縣朱樂安侯楨中條北原五老山雷首峯下東抵王官谷去唐司空圓隱居□邇穹林高竹湍流危石既清且駛頓□□□豪牧耕□□□□卜宅兆□

至元十八年兄德裕徙居其側南郭里覬者始息大德七年
地衙廠常震于中夏居人室屋十傾八九故碑踣草棘中字
復剝泐漫漶不可讀惟履道幼事老子教違□□□□□

累聖不遺方外臣三降璽書一為提點再為真人龍光載躬
恩渥數異且獲踵太古栖雲真人之後蚤□兢兢如□如

失⑤宗教緒幸不迷悖惟是孫氏枝幹凋瘁□壠穢荒不以

是時□□□□遠者為刻文琢貞珉一旦身先朝露則將

何以昭後世而驗來者乎且何以見先人於地下也於茲惜

焉謹錄樂安侯神道舊刻及所聞知一二事於先君者求擇

筆為尋賜之銘則吾□□存沒俱存□於子矣為序之曰孫

氏上世□可遠系采翊衛功臣侍衛親軍步軍都虞侯涇原

儀渭州鎮戎軍駐泊馬步軍副都部署金紫光祿大夫檢

校太子賓客使持節端州諸軍事端州刺史充本州防禦使
兼御史大夫騎都尉樂安郡開國侯食邑一千八百戶食實
封二百戶諱繼鄴於公為十世祖建康人曾祖憚祖謙仕偽
吳為顯官考承睿是生樂安公公生宗旦宗望宗亮宗奭宗
信宗旦銀青光祿大夫檢校太子賓客兼御史大夫□□□
崇儀副使權□夔路兵馬鈐轄兼提舉梓夔兩路諸州軍巡
檢兵甲公事騎都尉三傳而至名拓者□靖康之變將兵入
蜀又三傳而至名贊者生公傳公與公傳即殿試君於公為
祖是生寬宏寓寓一名滋生德裕及公此其可考者自餘如
世若年官稱爵里俱無所於稽固不得而詳也宋金以來中
原板蕩后王君公之家淪墊湮窰墓莽為寒烟野草者不
知幾何人雖□遺苗淹渚 聖世□恩濺澤躋位穹顯湯

不知身所自來墳墓之安在者又不知幾何人公為老子言者獨能諄諄於祖先家乘墜□□宗黨凋燼墳壙穢墟欲照徹其所生使後之人有所徵以為心者於世不既艱斯人矣乎都提點太古於雲宗教十餘年道妙鬱中英華外暢真人虛位闔宮羽流耆宿推以為繼猶執謙德如弗克勝由是行省言之六曹言之（玄）門大□□又言之尚書乃聞之

帝溫乎

玉□還賜俞荅玉圭寶冠西錦法衣

恩禮沓至蓋公雖為老子言而洞佛言尤遠儒言而孔□故能進退安舒動契矩儀也然則公之為人可謂周矣其於孫氏亦可謂能子矣孫氏今無踴顯仕者公之榮若此則其祖先亦無憾於九泉也予言固不能傳遠以□夫後猶將表章以出之履道公諱大方字天游其自號予既序之又以楚辭

繫之使歲時歌以祀焉其辭曰

條之山兮藪、河之水兮潞洛偉至人兮達觀攬山河兮
清雄繫河山兮□秀招五老兮捐雷首泉石兮清佳草木
兮藪茂

條之山兮蒼、河之水兮湯、彼條山之北原為孫氏之
攸藏羌孫氏之遺胤奠茲山兮樂康維河山之靖深媿孫
氏兮靈長

校碑題河東劉致撰翰林侍讀學士中順大夫知制誥同
修國史吳興趙孟頫書中奉大夫燕南河北道肅政廉訪
使暢師文篆額劉致見元文類有蕭貞毅公與諡議今稷
山亦有元參政姚公諡議碑題銜為太常博士劉致議在
至順年劉致於彼時方官太常則此題河東者蓋在未仕

祇題鄉貫耳又元文類姚燧懷集令劉君墓誌銘君諱彥
文字子章官進義校尉廣之懷集令石州甯鄉人子致是
彥文致之父元史地理志石州隸河東山西宣慰司翼甯
路故致得題河東趙孟頫傳至大三年召至京師以翰林
侍讀學士與他學士撰定祀南郊祝文此碑首言庚戌歲
以年表攷之正至大三年題銜與史傳合其書吳興者亦
鄉貫也暢師文傳皇慶二年召爲翰林侍讀學士中奉大
夫知制誥同修國史除燕南河北道肅政廉訪使以病去
官據史傳所言師文爲廉訪使在皇慶二年不應於至大
三年卽題此銜然三年係劉致撰文之歲惜不得立石年
月以與史傳相參證耳碑云至大庚戌致游大梁泰定虛
白文逸真人孫公爲子言云云按孫公卽碑後所云履道

公諱大方字天游者又云天兵破關陝續通鑑金興定二年完顏伯嘉自河中召還言於金主曰河中晉安被山帶河保障關陝此必爭之地今雖殘破形勢猶存是關陝破之證又金正大八年蒙古破鳳翔下京兆見諸書亦可證又云隸太師國王麾下續通鑑蒙古主以穆呼哩有佐命功拜太師封國王承制行事分鴻吉哩等十軍及蕃漢諸軍並隸麾下是孫公隸穆呼哩麾下也又見元史碑又云地愆厥常震於中夏校續通鑑元史諸書大德七年九月丙寅以太原平陽地震禁諸王所部擾民仍減太原歲餉馬之半是地震中夏之證碑又云朱翊衛功臣樂安郡開國侯諱繼鄴於公爲十世祖樂安公生宗旦宗旦三傳至拓拓三傳至贊贊生公傳公傳生寓寓生二子長德裕次

履道卽公合之共得十世樂安侯自有碑乃宋孫抃所撰
立於皇祐五年其碑云公諱繼鄴字元嗣其先金陵人仕
宋至端州防禦使卽此碑樂安郡開國侯是也又有云子
五人長宗旦仕宋爲崇儀副使卽此碑銀青光祿大夫崇
儀副使是也其下前碑不著蓋以宗旦爲其父樂安侯所
立故不能及後世耳此碑以文校之蓋履道重立其遠祖
樂安侯碑乞致書時並乞劉致詳其以下世系復立此石
兩碑年月俱可校樂安侯碑後題至大庚戌九月吉日河東劉致重書此碑首云至大庚戌致游
大梁故知爲一時事樂安侯孫繼鄴宋史本有傳今以兩碑參之事
實頗合孫宗旦見宋史及東都事略皇祐四年儂智高叛
孫沔安撫荆湖南路孫宗旦以內殿承制閤門祇候充荆
湖南路江南西路兵馬都監隸沔部下通鑑長編亦同是

孫氏自宋以來爲此方巨族確有可證碑末無立石年月亦無建人姓氏與諸碑又不同現據碑文知爲至大三年以後立非本年事也以師文傳授燕南河北道在皇慶二年故知此碑之立決非至大年也書史會要劉致河東人字時中官至翰林待制風情高簡早負聲譽能篆有所著復古糾繆編行於世以今山西諸碑觀之則致固元代工文翰者也元史祭祀志至治二年有太常博士劉致可參五老山元和志堯升首山觀河渚有五老人飛爲流星上入昴因號其山爲五老山一統志在虞鄉西南亦中條之支麓

大帝廟碑

碑連額高五尺五寸五分廣一尺九寸四分二十六行行五十七字正書額題重修大帝廟碑六字篆書今在鄉南縣

重修大帝廟碑

鄉寧縣尹霍章撰并篆額

前鄉寧務副使郭從禮書丹

鄉寧群山之固也縣治之南山之酋萃尤峭拔者曰尚義合基山而屋巋然周峙者

大帝廟也廟無刻以紀漫不可省始於何代距今幾何年父老云金前已有之居人因之香火歲時惟謹大德癸卯秋八月六日河東地震壓殺者二十餘萬人吉鄉為輕屋之存者什三四人方露處風雨不庇扶傾起頓歲無虛日而

神之棲未遑也迨乎大德甲辰夏四月不雨禾將稿任榮衛安任清曰人以食為天今不雨何以穫於秋乎古有禱禮率皆淫祠非禱所也吾居有

大帝廟即書所謂惟

皇上帝降衷於下民者此非禱所乎宿齋戒相與禱於斯不旋踵澍雨露足歲亦有秋廼聚而謀曰時久不雨

神其雨之民無有秋

神其豐之將何以荅

神之休惟以作新斯廟子子孫孫世以奉承報之不懈僉曰諾於是富者以財貧者以力惟恐後事貽羞廟舊朴隘今廣為三楹仍肖帝王而貌之經始於大德丙午秋七月望日落成於大德丁未夏六月初吉酒半合辭言曰廟先闕識無揅可考今不勒文貞珉俾來者視今猶今之視昔也且老者死壯者老歲月綿邈而

神之休不幾乎磨滅歟遂相率再拜以請予承乏邑長勸諭

是司故翰而不讓迺誨之曰天子祭天地及山川歲徧馬諸
侯祭境內之山川禮也降自中古祀典寢闕民祭非所祭上
不訶禁人習以為常嗚呼世教不明故人之不逾禮也難矣
況鬼神不福非祭者第歸以予言推之事人神一致之禮自
有次第無以適然而遂以為當然思之有餘師勿忽予言徒
謂紀歲月之空文而已矣仍繫之銘用垂不朽辭曰

惟皇上帝 神運無方 顯仁藏用 孰尸翕張 無心
無迹 品物咸章 禮云報祀 惟天下王 降自中古

禁網弗綱 上無濶守 下逾其防 天地山川 乃

建宇堂 牲牢奔走 僥倖福祥 耳目既習 遂安其

常 西壘大河 東壁太行 萬山叢碧 中有吉鄉

南曰義合 廟貌玉皇 基山而屋 如天際翔 甲辰

之夏 失和陰陽 禾日就槁 有秋奚望 恭惟靈祠
黍稷薦芳 適然甘澍 雨我農桑 化歉為豐 民
說無疆 作新斯廟 因札是禳 俾子若孫 世世勿
忘

典史甘良弼

晉寧路鄉(令)縣尉張義

進義副尉晉寧路鄉(令)縣主簿札刺兒歹

修武校尉晉寧路鄉(令)縣尹兼管本縣諸軍與營勸農事

霍章

修武校尉晉寧路鄉(令)縣達魯花赤兼管本縣諸軍與營

勸農事火里歹

大元至大辛亥秋九月晦 任榮 任彥 衛思立石

石匠龍門張彥通

按碑題鄉甯縣尹霍章撰并篆額前鄉甯務副使郭從禮書丹鄉甯縣志縣西南岢嵐山七十里上建大帝廟有元時本縣尹霍章碑記副使郭從禮書字跡類顏魯公按卽此碑惟碑言縣治之南尤峭拔者曰尚義合基山與縣志山名不合碑云大德癸卯八月六日河東地震壓殺者二十餘萬人此卽元史大德七年八月地震事史不言傷若干人可据碑補碑云吉鄉爲輕屋之存者什三四此可驗大德癸卯之災實古今所罕見元史鄭制宜傳大德七年晉地大震平陽尤甚厭死者眾制宜承命存恤懼緩不及事晝夜倍道兼行至則親入里巷撫瘡殘給粟帛存者賴之亦可與此碑相參證碑以大德甲辰禱雨而應丙午重

修丁未落成而立碑末所題官有典史甘良弼縣尉張義進義副尉主簿札刺兒歹修武校尉縣尹霍章修武校尉達魯花赤火里歹按口縣尉以上結銜皆有晉甯路字碑立至大四年在大德九年改平陽爲晉甯後故得以晉甯字入銜又碑云河東地震者金以平陽太原路爲河東南北路元山西河東道宣慰司領冀甯路晉甯路故通得稱河東非如今人之妄舉古地名也

卿雲觀記

碑建於高六尺五寸廣二尺七寸五分二十三行行五十五字正書題勅建卿雲觀記六字篆書今在陽曲縣

陽曲縣太平鄉辛莊全真□公道行勅建卿雲觀記

大同路儒學教授陳泰來撰

興寧路都道錄天慶宮明初大師李道和篆

華元口西溪陰真門生桂齋趙居實書

卿雲觀者李公全真大師之所口也公諱口口字純甫全真其自號也幼師九原玉泉觀白悟真之規繩長襲卒宗白明真之衣鉢觀居陽曲縣北太平鄉之辛莊鉅興路百里口近代騷人詠物有太平八景之題東則石嶺寒雲西則赤塘曉雪大孟宿霧而其南藥羅春色擁其北藥羅山乃辛莊之奇觀其上則雲葉杈枒如藥芳葩鱗鱗如羅三疊其下則堅珉盤結瓊洞壁穴光彩絢爛天造地設凡王侯邸第宮觀寺廟刻碑刊銘者悉輦於此取不窮用不竭非他方可擬也山韞石而暈石蒸雲而潤雲因觀而名地得人而靈全真公之道德輝光如玉在石如雲在山去華就實雲其質少私寡慾雲其心勤身儉家雲其形迎僊待客冠蓋雲集輕財重

義視富貴如浮雲然世間紛華雜擾之物皆不足芥蒂於胃
中其高節抗雲又如如此然雲之為物是雖悠然而自得夫豈
塊然而不為至元甲戌法殿興聖像具輝煌金碧繪飾丹青
東廡之厨庫齋室南堂之三間四棟棟脊雲翔簷牙雲翬河
東山西道按察使西溪王公書其扁曰卿雲觀教授冷公贊
甫先生為之記其盛舉也公於至元戊子二月無病而逝享
年六旬有九門弟張君居敬本里張全之嗣領會師傅沉潛
道味樸(玄)柱妙堂構出藍至元辛卯春授太原路都道錄所
剏付充本宗門下提領勾當道錄王公志廣見其忠勤廉幹
癸巳秋復加薦剏授天下(玄)門演道大宗師掌教真人管領
諸路道教付身充本宗提點元貞乙未統飾南堂剏造西廡
置碾磴以濟鄉鄰買膏腴田以贍徒眾缺者補空者完晨夕

積心唯恐失墜度門人劉懷寶石懷玉等一日踵門以其師之道行及卿雲二字為請愚謹按天文志若煙非煙若雲非雲郁郁紛紛是謂卿雲此嘉瑞太平之應也自古山林高蹈之士多與雲為伍老子乘雲氣西母歌雲謠司馬白雲之號希夷雲臺之觀鼓雲和瑟鍊雲子丹出而披雲處而卧雲列仙傳中何可枚數皆不若卿雲之瑞蓋隱於虛無縹渺之鄉為遯世之雲顯於朝清道泰之際為濟世之雲昔李公無心出岫雲之遁世者也今張君觸石而起雲之濟世者也隱居以求其志行義以達其道一隱顯之間而卿雲之名遠矣哉故永歌之銘曰

天瑞之雲 以卿為名 人瑞之雲 猶龍復生 全真

李公 道純德厚 與雲俱閑 龜朋鶴友 里曰辛庄

山名崇羅 地靈人傑 雲石嗟我 殿宇作新 金
璫碧燦 王公大書 扁卿雲觀 門弟張君 視前有
光 善繼善述 肯構肯堂 鵬化為鵬 鶚書薦福
道班領袖 ⑤林梓杞 雲無定跡 時卷時舒 昔為
盤谷 今也亨衢 鬱鬱煙雲 嚴嚴山石 雲白石堅

紀公道德

維大元國皇慶元年孟春上旬吉日張居敬初建

門人劉懷寶 石懷玉等立石

古豐安君璋

男安仲祥男安志全
門人高翔刊

校碑題大同路儒學教授陳奉來撰冀甯路都道錄李道
和篆額華州關西溪門生趙居實書通志金石記至元十
一年卿雲觀碑教授冷賢甫撰道士李志朴建在城北九

十里蕊羅山下陽曲縣志辛莊村鄉雲觀城北九十里太平鄉蕊羅山下元李志朴建按察使西溪王公書額教授冷賢甫撰記皇慶間重修有碑記按通志縣志所云皆據此碑志皇慶重修有碑者卽指此碑而言按碑公諱下闕二字卽志朴又云居陽曲縣北太平鄉之辛莊距冀甯路百里元大德九年改太原曰冀甯此碑立皇慶故得稱冀甯又今縣志辛莊距城九十里碑蓋舉成數言

宗說寺碑

碑高五尺三寸廣二尺四寸三分十七行行三十九字正書今在河曲縣

中順大夫河東山西道宣慰使司副使吉天英篆額

奉政大夫秘書監秘書郎何守謙書丹

肯太常寺太祝柯巽撰

友人王仲禮叔儀自河曲禿燕山來謁予曰吾鄉縣即古隰
州也其河自北而南折而東縣居其□金大定間因名其縣
曰河曲縣南一舍之外有山曰翠峯峯之巔古祠在焉雖無
誌記世號曰閻浮王廟歲月推遷棟宇傾橈而香火之供不
目時繼村翁社老深惜之適邑人□□□□□□□□目廟
之□壞風雨穿射蓋幃不能旣無以妥神之靈亦恐無目為
勸有失設教之意於是各捐私藏之金庇工鳩材親董其役
不閱月而主殿巍然兩廡神明以次就緒其宏敞壯麗視昔
之為十倍其亦勤矣苟無文字目著其跡懼來者謾不加省
誤為冉耕祠者或有焉備吾子辱賜而文之俾刻貞珉不惟
□□□□得遂其勤度閻浮王之名得不昧於來世矣竊謂
閻浮王見諸釋氏書雖非吾儒所宜道究其地藏判燒春磨

之設者計亦勸譴而懲惡也如徵其說則中人目上固不墮
此若中人目下淫酗兇虐之涼生之肯既得遁天之刑死之
後又無地獄之報所謂福善禍淫殆成虛語噫吾不知斯人
勢焰方煽火燎于原將何時而弭耶此閭浮王著諸釋氏書
亦不為不近於理矣而君之是請吾其能辭乎敢據顛末而
叙述之

時皇慶元季歲次壬子春二月清明前三日記

前汝寧路光山縣沙窩鎮巡檢金世通

承務郎河曲縣尹兼本縣諸匱與魯勸農事鄭居業

□德王 田亨 楊泰 □□□ 郭元貞 朱國寧

朱國倪 馬元祥 趙演立石

古井芹君室李德澤白君玉鑄

按碑題中順大夫河東山西道宣慰使司副使吉天英篆
額奉政大夫祕書監祕書郎何守謙書丹前太常寺太祝
柯熙撰至治趙孟頫馮翊郡公吉公碑子天英延祐三年
嶺北湖南道肅政廉訪使淮東道宣慰使元史百官志宣
慰司有副使一員地理志河東山西道宣慰司治大同府
元以今直隸山東山西及河南河北道地隸中書省爲腹
裏不置行省統之以諸道宣慰司如今督撫之職天英爲
副使亦方面之貳也豐州平治道路碑稱宣慰司爲維岳
者可證碑云友人王仲禮叔儀自河曲走燕山來謁予曰
吾鄉卽古隰州金史地理志隰州下本宋火山軍大定二
十二年升爲火山州後更今名縣一河曲元史地理志保
德州下舊有倚郭縣元憲宗七年廢至元二年省隰州人

本州不言有河曲縣以此碑考之則元有河曲縣志蓋漏
山西通志宗說寺在縣南八十里翠峰山元皇慶中建閭
浮殿至治間改今名此碑卽爲建閭浮殿而立碑末題皇
慶元年二月清明前三日記所題官有前汝甯路光山沙
窩鎮巡檢金世通承務郎河曲縣尹兼管本縣諸軍奧魯
鄭居業此居業以皇慶元年尹河曲之證元史本紀大德
元年二月庚申升隴州巡檢司爲河曲縣此碑立皇慶後
故得有河曲縣尹與史合

復建岱嶽行祠碑

碑連額高五尺五寸廣二尺三寸五分二十五行行五十
字正書額題復建岱嶽行祠碑記八字篆書今在翼城縣
翼城縣冰清里復建岱嶽行祠記

前本縣教諭可溪逸人賈之美書丹篆額

岱居五嶽之一爲東方巨鎮視恒華衡嵩獨以宗稱有國者
主其祀焉蓋古之諸侯山川在其境內可以爲民祈禳福澤
者其禮秩薦灌牲牢圭幣特爲謹嚴不容有少闕矣自世降
以來祀典隨易民咸尚於祝禱春秋傳曰觸石而起膚寸而
合不崇朝而雨徧天下者惟泰山之雲又以東方生發萬類
凡灾祥疾疢幽明禍賁此爲之會歸故所在駿奔奉祀惟恐
居後其去之遠者仰愈篤事之敬者祠益崇由風移俗變理
使之然復何疑哉翼之治城北不三數里里名曰冰清有祠
存焉莫知昉於何代按舊刻宋景德間邑人石茂均等嘗施
重葺之功矣祠據高阜面勢弘敞軒豁爽塏爲一邑之盛觀
國初雖兵燹後而前後兩殿巍然獨立日增月修幾
及完復大德七年秋值坤載弗枚悉蕩而爲平土折梯圮棟

風脆雨腐者百不一二存其故基莽為瓦礫榛蕪之墟至大

二年縣佐史臨晉王君

受益

來拜謁周視垣墉敗裂几像暴露

香火日怠蹙然弗_聞于心乃圖興復即白于宰縣諸公諸公
矍其舉君遂醴金藏材鳩工庀役起正殿五楹層簷掖柱朱
甍巨桷鴟尾觚稜金碧輝映耽耽翼翼上足以具俎饌簞豆
之奠下足以列羽毛管籥之樂完潔修整瑰偉截業視昔為
有閒矣俾祀者起敬過者加畏咸有所勸或為善之端油然而
生于中對越威靈不顯不承如在其左右矣既訖功計所
費之財皆出于樂施所資之力悉于眾願遂來請文將紀其
興造始末聳助者名氏勒之石庶永貽于後因繫為論述之
在昔先世教民以孝弟忠信勤勉于生生之道為五穀菓蔬
魚肉絲麻以足其衣食使老有所奉養幼有所俯畜無水旱

虫蝗之為災癘疫疔疥之為患此誰之力與乃思報其本起
祠宇具儀物肅以事乎神神聰明正直福善禍淫通于人者
也苟多行不法中有愧于人而象恭于

神雖張之以鐘鼓之音厚之以玉帛之數牲牲肥腍酒醴苾
芬拜跪應節三獻畢舉

神且歎而不顧矣尚何福之有哉如內省不疚禮義不愆歲
時伏臘潔清齋沐寅奉杓祭有以告于

神神是享是歆則垂祥擁休眾皆飲飲其德而歌舞其賜者
矣

將仕佐郎前晉寧路臨汾縣主簿續

執中撰

都功德主翼城縣典史王受益建

皇慶元年三月日

維那李天祿高鵬翟晉李之美柴直李義鄭天吉李思忠

史英程珪史珪王良同立石

將仕郎翼城縣主簿□□

將仕佐郎翼城縣尉蘇抄兒赤

承事郎翼城縣尹兼管本縣諸軍奧魯勸農事李克讓

修武校尉前翼城縣達魯花赤兼諸軍奧魯勸農事帖木

答兒

忠顯校尉翼城縣達魯花赤兼管諸軍奧魯勸農事按答

石局提領李福成刊

按碑題前本縣教諭可溪逸人賈之美書丹篆額翼城縣志元教諭有賈之美又縣志泰山廟一在北門外冰清鎮西北與碑云冰清有祠合碑云祠未知昉於何代舊刻宋

景德間邑人石茂均等重葺之國初日增月修幾及完復
大德七年秋坤載弗救蕩爲平土卽指大德七年八月癸
卯平陽地震事碑以至大二年縣佐吏王受益等重修而
立末題將仕佐郎臨汾縣主簿續執中撰翼城縣典史王
受益建續氏顏師古急就篇注晉大夫續簡伯號孤鞠居
以食續地更爲續氏執中見襄陵縣志元貞中進士大德
初任絳州教授後徵爲國子助教祀鄉賢按元貞末開科
執中儒貢也
碑末所題諸官有承事郎翼城縣尹李克讓縣志至大
四年任修
武校尉前翼城縣達魯花赤帖木答兒翼城縣達魯花赤
按答縣志受益亦見縣志碑立皇慶元年三月

李文簡公詩

石高一尺七寸五分廣二尺四寸四分前題九行行十二
字詩五行行七字後題三行行六字至十二字不尋正書

今在長治縣

至大庚戌春三月尚書省委計點晉寧路錢糧過上黨同縣尹徐禎字伯祥謁拜祠下有李文簡公明昌初以節度使卧治昭義軍書祈雨詩於壁間恐久而湮沒命工勒石以永其傳云四世孫承事郎晉城縣尹李承宗再拜謹誌

麥槁禾焦厭火雲引觴潛禱五龍神君能借我青駉馬傾倒天瓢濟此民

皇慶元年三月吉日立石

郡人賈志道書

石匠提控王思仁王海李仲刊

碑言至大庚戌春三月尚書省委計點晉甯路錢糧校庚戌至大三年元史本紀至大二年八月癸酉復置尚書省

已未尚書省臣言尚有逋欠錢糧應追理者元累置尚書省皆以清理錢糧而設此云尚書省委點錢糧可證碑又云過上黨同縣尹徐禎字伯祥謁拜祠下按禎皇慶元年爲上黨尹見平章政事李公詩碑碑云李文簡公明昌初以節度使臥治昭義軍書祈雨詩於壁間金史李晏傳授沁南軍節度使久之致仕上念先朝舊人復起爲昭義節度使明昌六年歸老卒諡文簡明昌癸丑潞州祈晴記碑題名有節度使李晏此明昌四年晏爲昭義之證又見中州集末題四世孫承事郎晉城縣尹李承宗再拜謹誌此承宗是年任晉城之證

五龍祠詩碣

石高一尺四寸五分廣一尺六寸二分十四行行九字正書今在長治縣

通議大夫晉_寧路總管完顏德輝明叔陪

秦國公平章_{政事}以春旱祈謁

祠下

平章為之賦詩一章公從而和之云

招栢南山祀

五龍五龍於世足神功

平章相國題詩後歲歲年年擬倍豐

皇慶元年三月 日

從仕郎上黨縣尹徐禎立石

鳩工州吏趙安陳大用

石匠李仲刊

按碑云通議大夫晉甯路總管完顏德輝明叔陪秦國公

平章政事以春旱祈謁祠下平章賦詩一章從而和之云

云德輝延祐元年爲陝西都轉鹽運使見運城志秦國公

平章政事者

元史李孟字道復洛州上黨人

李孟也元史仁宗紀至大四

年正月庚辰武宗崩丁酉集賢大學士李孟平章政事七

月戊申封李孟秦國公又孟傳皇慶元年正月授翰林學

士承旨仍平章政事未幾請歸葬其父母十二月入朝因

請謝事優詔不允請益堅乃命以平章政事議中書省事

承旨翰林二年夏請還國公印奏三上始如所請此碑立

皇慶元年三月正孟歸葬時在皇慶二年歸國公印前故

稱曰秦國公平章政事

按時封秦國公者有會福院使溫普崇福使阿哩雅及孟凡三人一

國名而封數人亦云濫矣

史不言孟於何月歸葬以此碑皇慶元年三

月刊考之則當在是月前碑所題銜有從仕郎上黨縣尹

徐禎碑見通志金石記

重修青山殿碑

碑高三尺三寸五分廣二尺一寸一分二十五行行五十字至五十五字下等正書今在汾西縣安仁鄉

□元國晉寧路汾西縣安仁鄉五社重修青山殿碑銘一座
縣西之□背山□中為最鬱蒼蒼而聳□者姑射也重崗疊
嶽翠律万仞拔峯夔壑磅礴百里谷崑互映而幽□林木蒼
蔚而芬縈空翠蒙鴻金霞明媚殆非塵寰之觀廼仙游晦跡
之境也山之麓石門闢焉名曰真人洞山之巔遺廟存焉
榜曰真人祠□茲山中之名豈非自姑射真人而立
也□唯其廟也簷摧桷腐礎墊楹歛塵昏金碧之容雨漬丹
青之色秋□砌故老檜□□蕭條若林是之甚邪僅見金朝
棟誌宋年石刻廼知諦構歲月之遠也已維大元至元三

十一年□□□等特罄□□爛其踈朽就加修飾餽衆之財鳩人之力命工以堅易脆繼以蓋瓦級磚之費丹牋塗墍之功庶乎廟貞為之一新閭境老幼祇益羨慕咸曰美哉神宇也若歲大旱里人恭禱祠下感應如響油然而祥雲興沛然而甘雨降澤潤土田民獲其福者多矣是以一方之民歌鍾舞籥遠□豐盛□祈秋報享祀不忒大德七年秋八月初六日辛卯夜坤維震蕩山嶽崩摧而是廟也亦傾圯矣厥後殿材□為野燹之燼民罔不齟傷心緬想曩日祈福之地一旦莽為瓦礫曷勝嘆哉至大二年春興等復詢於衆曰疇昔姑射真人祭之有靈禱之則應每風雨之感□而災害之不生時和歲豐家給人足自廟廢也蟲旱相仍疫癘並作饑饉荐臻人民屢匱若將此廟復興之庶冀祐護不亦可

乎衆謀僉同如出一口於是興等糾五里之庶歲其事選工
師慮財用輦他山之木壤運遠壑之石手足胼胝不憚劬瘁
迺經迺營肯堂肯構□□□判擴而廣之壯不及奢麗不及
素飛簷屹其霞峯廣厦鬱以雲布皓□晝朗朱甍晴鮮經始
於戊申之春而落成於己酉之夏寒暑□厥有成他日興等
踵門而告余曰廟完石讐請君記之俾來者有攷焉余□之
曰文則余不能感君之於勝事勤勉懇誠始終匪懈是可嘉
也故摭其始末而記之爾其辭曰

陟姑射兮雲山蒼蒼望 真人兮雲漢茫茫 明德兮煌
煌降福兮穰穰 神去□□已□□在□□□曷忘俾特
新兮祠宇用 永薦兮蒸嘗尚□蠶兮昭格庶 應感兮
保祥祐

吾皇今千秋萬歲 庇吾民兮地久天長

皇慶元年歲次壬子仲秋己酉月二十一日

本縣干河村授 勅隰州儒學正孫□□

書丹人靳家莊祁郁

□云堡徐莊村立石人 王恭立 蔡家坡王英

李莊堡成家莊立石人成濟 成家莊成惠

□梁□□□□□□

劉家溝劉俊施鈔二十貫

石匠本縣僧念村王瑞故郡堡荀美

按碑標題爲大元國晉甯路汾西縣安仁鄉五社重修青山殿碑銘太平寰宇記晉州汾西縣西山在縣西六十里南入趙城西至溫泉總一百六十里舊名青山天寶中改

爲汾西山亦姑射山之連延也與此碑題青山合

汾西縣志姑射

山在縣西六十里按卽青山故碑有真人洞真人祠云云碑言大德七年八月六日辛

卯夜坤維震蕩是廟傾圯按卽元大德七年平陽太原兩路地震事碑以至大己酉夏重修廟成而立碑見通志金

石記

靈澤王廟碑

碑高四尺廣二尺一分二十八行五十十字正書今在壺關縣北關

重修靈澤王廟記

□□□□陰陽教授王天利撰

直學馬之美書丹

進士秦天爵篆額

神也者陰陽不測之謂也視之而弗見聽之而弗聞體而不

可遣使天下之人齊明威服以承祭祀洋洋乎如在其上如在其左右詩云神之格思不可度思矧可射思夫微之顯誠之不可揜如此夫昔

宋眞宗大中祥符元季冬上如泰山封禪禮十一月朔次曲阜縣謁先聖廟命有司定議上制贊加謚曰至聖文宣王追謚齊太公曰昭列武成王及封名山大川五嶽四瀆歷代明王忠臣烈士各立廟焉攷之 惟神衛國公李氏有功于

唐列傳書之

神堯高祖武德四年以公為行軍總管伐梁下江南九十六州得戶六十余萬 太宗貞觀三年冬十一月以公請行明年二月襲蕤陰山而還詔加光祿大夫次七月為右僕射八年冬十月公邁疾遜位上曰朕嘉公意欲以為一代之楷模

故不相違及拜特進疾愈加門下同中書平章政事已而復
加西海道行軍大總管西戎廼平二十三年五月病卒噫
衛公生平之時幹天關而旋地軸華日月而回北斗平寰宇
定禍亂表正萬邦混同六合若指諸掌如此之機也沒世之
靈樂大菑捍大患興雲致雨庇佑生民以正其神居廟堂之
上享萬代之血食者不亦宜乎曩者天黨滯于之邦斯神廟
貌是處有之每歲四月二十四日遐邇居民咸致敬以禳焉
古菴林邑之北一里有廟曰靈澤值大兵之後正殿廊廡燼
滅不存惟荆榛瓦礫而已逮我

大元國朝以馬上得天下四海隆平封五嶽贈百神誠敬如
是也於至元己卯春本邑東坊馬珪陳讓北閔秦秀董秀等
因時賜以致禱是廟焉洎衆相謂曰斯廟之故基雖存若不

興修俾祭者無所瞻仰也慨然皆有起廢之心遂命工規材度木都監鳳山劉甫州吏口才程世珎以助其力及夫李讓程忠程琳吳瑄平福閭讓王吉路榮秦詮王懿以集其役進士馬溫陰陽王寬監督其功如此經營五載極之以棟梁輓之以柱石方成構架未及厥功維那秀珪等中道而亡至大德三年戊戌春有王懿王大利再請到維那董安閭讓王裕陳溫程贊并甲首平忠常顯司恩董榮等由是踴躍就役斧斤者陶甃者及秋結瓦廼成越五年秋八月經值地震是處山崩地陷人之居舍少有完全者惟斯廟之不壞豈不為神之口驗乎距皇慶元年春前安豐路陰陽教授王大利之燕回与兄王懿弟王祐議之曰斯廟之結瓦及今又一十四年若不再行葺理久之頽圯虛費先人之功甚可惜哉予與汝

軍共成之可乎荅以為然復命前維那杜長閭讓陳溫董思
誠王思議甲首平溫吳謙程祥王巨源馬之綱張述古陳儀
王議李讓秦慶陳忠平王荳旺王謙秦德輝王天義張仲義
張清□人爵□裕率領坊開大小人眾鳩功計費施財竭力
缺者完之故者新之繪材墁壁雕甍畫拱欽玉粧金層簷接
翡翠齊飛彩桷映煙嵐一色縱廣基址內外華臺俱以甬石
磨礧粲然而為一新觀之無不駭然頃者余雖此一時之用
心賴邑里建緣之者謁鄉鄰好事之家齊心協意共成勝事
自春徂冬能事斯畢也嗟吁廟之始建自至元己卯經今三
十四年何成功之緩哉大抵觀萬物之興衰升沉各有其數
斯亦馴致其道矣

皇慶元年歲次壬子孟冬五日丁卯謹記

以下人名多不可辨故不備錄

將仕佐郎潞州儒學教授程世口同立石

潞州石匠提控王思仁刊

校碑題陰陽教授王天利撰直學馬之美書丹進士秦天爵篆額之美天爵並見壺關志元進士校元百官志諸路總管府有陰陽教授一員王天利益隸於晉甯總管府者碑言宋眞宗大中祥符元年上如泰山行封禪禮十一月朔謁先聖廟加諡至聖文宣王追諡齊太公曰昭烈武成王及封名山大川五嶽四瀆歷代明王忠臣烈士各立廟焉云云校加諡元聖文宣王及昭烈武成王事並見宋史本紀大中祥符五年十二月壬申始改諡元聖曰至聖此碑據後所改者加之先爲失考矣又眞宗本紀大中祥符元年十二月甲辰詔天下宮觀廟名在地志功及生民者並加崇飾以碑證史此壺關立衛公廟當

在是時之證五代會要天福二年八月敕唐衛國公李靖
封靈顯王据會要注以僕射陂而誤今山西郡縣志又引
衛公過晉境事以實之故潞郡界衛公祠爲多亦有由也
潞城縣志楊義方李衛公加封靈顯王碑晉高祖奄有四
方大勳未集暴盜稱戈下據成皋之隘王師抗旆遂逾漆
洧之郊上將潔誠明靈在夢鍾山之草但化人形卽墨之
兵惟言神助飛章上達增封王爵宋宣和二年改封靈澤
王制文載潞安府志碑言有廟曰靈澤大兵之後燼滅不存者指
謂金季之兵碑言至元己卯重修大德戊戌結瓦乃成越
五年秋八月地震按卽元史大德八年平陽太原二路地
震事以碑所云是處山崩地陷考之則壺關受災亦重史
略之耳碑所題官有將仕佐郎潞州儒學教授程世闕同

立石校元元貞元年潞州重修五龍廟記有潞州學正程
世文題額或卽其人碑見通志金石記

五龍祠詩碣

碑高一尺八寸廣三尺三寸二十七行行二十字正書今在潞安府

光祿大夫秦國公翰林學士丞 旨知 制誥兼修國史中
書平章政事李公詩

皇慶初 公在中書偶得遂大葬焚黃於潞潞之南山曰五
龍有祠於絕頂蒼松萬章蔚鬱其上春頗旱 公慨然爲民
祈於 祠下 護葬使中奉大夫昭文館大學士祕書監卿
溫德榮輔行者承務郎中書直省舍人曹由張遵義中順大
夫同簽太醫院事王好謙承德郎陝西行省左右司郎中巨
鼎奉訓大夫潞州知州李森朝列大夫祕書少監李信承事

郎趙州知州張伯帖木兒異據總管府經歷胡巨淵通議大
夫晉_寧路總管完顏德輝昭信校尉潞州監州也里漢出奉
訓大夫潞州知州張仁承事郎潞州判官閭慶老進義校尉
上黨縣監縣也的迷失帖木兒從仕郎上黨縣尹徐禎進義
副尉上黨縣主簿速來蠻進義副尉上黨縣尉宋惟讓承務
郎大都路經歷任著將仕佐郎陝西省儒學副提舉張_清寶
從行於戲公之心頃刻不忘於濟物其在

朝堂也又如何哉觀其誠切懇至槩可知已張_清序并書
雲間祠宇鬱葱青共說

龍君有至靈祈禱便知心所願災祥真若影隨形應能作雨
蘇民瘼請為回風達

帝廷載拜謹同諸士友一尊聊與酌幽冥

府吏栗思恭吏目張翊典史傅傑立

石匠提控王思仁王海李仲刊

按碑題光祿大夫秦國公翰林學士承旨知制誥兼修國史中書平章政事李公詩元史李孟傳孟字道復潞州上黨人仁宗初眞拜平章政事賜爵秦國公請告歸葬事訖入朝慰勞甚至因屢請解政務乃命以平章政事議中書省事又續通鑑至大四年正月丁酉以集賢大學士李孟爲平章政事閏七月戊申封李孟秦國公孟嘗乘間請罷政權避賢路帝謂之曰朕在位必卿爲中書朕與卿相終始自今其勿復言皇慶元年中書平章政事李孟請歸葬其父母帝勞之曰事訖宜速還勿久留孤朕所望十二月孟入朝帝大悅孟因請謝事優詔不許請益堅癸亥乃命

孟以平章政事議中書省事承旨翰林延祐元年二月壬午平章李孟監修國史以揭傒斯爲編修官李孟讀其所撰功臣列傳歎曰是書方可名史若他人所爲直謄吏牘耳據此是史鑑之官均與碑題合碑之大葬卽指其歸葬父母一事意孟必先乞歸葬至是年得請故謂之曰遂碑內有護葬使中奉大夫昭文館大學士祕書監卿溫德榮輔行者承務郎中書直省舍人曹由張遵義中順大夫同簽太醫院王好謙承德郎陝西行省左右司郎中巨鼎奉訓大夫潞州知州李森朝列大夫祕書少監李信承事郎趙州知州張伯帖木兒異樣總管府經歷胡巨淵通議大夫晉甯路總管完顏德輝昭信校尉潞州監州也里漢出奉訓大夫潞州知州張仁承事郎潞州判官閻慶老進義

校尉上黨縣監縣也的迷失帖木兒從仕郎上黨縣尹徐

禎

禎府志
作正

進義副尉上黨縣主簿速來蠻進義副尉上黨

縣尉宋維讓承務郎大都路經歷任著將仕佐郎陝西省
儒學副提舉張湊末又有吏目張翊典史傅傑按潞安府
志李森李信均孟弟一爲贛州總管一爲大都路總管此
均未以總管結銜或其時尚未爲故不題又宋惟讓子貞
孫亦見府志餘若胡巨淵也里漢出張仁閭慶老也的迷
失帖木兒徐禎速來蠻張翊傅傑均見府志其官及年悉
合蓋府志卽本此碑也完顏德輝見和詩碑題銜與此同
其自記云陪秦國公平章政事以春旱祈謁祠下平章賦
詩一章從而和之然則所和卽係此詩更可以爲從行之
證又見運城志德輝曾爲陝西都轉鹽運使應卽其人徐

禎別見李文簡詩碑傳傑見傅公碑卽左丞傅巖起之父
均可與此碑相參碑無立石年月按卽皇慶元年碑見通
志金石記

王氏世德碑

碑高五尺四寸廣二尺六寸三十一
行行六十八字正書今在繁峙縣

繁峙王氏世德之碑

前太原路儒學正劉敬立撰

承事郎同知堅州事許天麟書

前□務郎秘書監丞楊桓篆額

至大辛亥冬前平晉尹王君仲祥與其堂弟石州

吏目仲祿

相率來言於予曰□宗自宋□逮

國朝占名數於繁峙者僅二百年矣子孫繼□遺業□荐罹

變故未□□桑梓遭遇

聖明伯祖考昭武府君始大其家仲祥輩賴之遂至今日竊

惟前人垂裕之恩無以仰報萬一乃共叶力籍一石于先壠

之畔欲紀世次本末以示來裔故秘監楊公□□□□世

德之碑碑當有銘舉吾族人咸願屬筆於予推□□來請惟

吾子惠顧之予於平晉為□弟親表中友愛尤篤知其家世

為詳故不辭而論次之昔周靈王太子晉乘□□□□其後

為王家此其姓之所自出上世昭穆遠不可考其始見於譜

□□□□者□金初年自繁時□□□□□□□□謂

蔭家往□也及卒遂葬於此後□因之澤娶同□劉氏生五

子貴滿聚雄甫皆能孝弟力田以豐殖其家雄長子定好施

予喜賓客遠官賢士或過其門□□□□□□□□□□

○遺貧急輒欣然資助於是得鄉曲之譽四予曰明日兆曰

昇曰斌明早天兆少補軍吏非所好棄去從旁郡諸豪俠游

排難解紛不避強禦衆服其義里人爭訟往往就質曲直縣

長吏而下○相結納興定丁丑大兵圍雁門游騎及縣境

金人棄城奔潰城中遭民共推公與縣人劉會同領縣事謀

走南山柵險自保公度不可行乃與會等十數人持牛酒○

日徑至主帥麾下通姓名款○且獻攻取之策主

帥偉公言貌以便宜擢授左監軍會軍事判官盡還先○俘

繁時生口一縣賴以全濟繼受

監國公主教遷昭武將軍堅州左副元帥時兵荒之餘公率

先僚屬○游獵勤政務招集散亡勸課耕稼在職二紀威惠

布聞歲辛亥朝議吏定官制州郡武職多見易置公春

秋已高即謝事家居

享

壽八十而終昇性樂易善治生在兄

弟間獨

能

□之待親故曲盡恩義出入閭里無少長皆以三

翁呼之莫敢

斥其

姓字其經紀家務訓飭子弟一一有矩□

□今耆舊多稱道其為人斌有手□

又善騎射昭武侍為爪

牙金將武僊餘黨匿五臺山中為盜近山居民多被劫掠公

偵知所在連捕其魁自是羣輩遠遁闔境清謐故時人有□

□者昭武

四子曰喜曰玘曰瑾曰瓊玘嘗權堅州軍民次官

瑾早逝妻田氏以貞節著孤仲實以孝行聞州上其名聯被

旌表三翁四子曰瑛曰瑞曰瑜曰珎珎太原□捕□□

□□□

斌

一子曰璠好賢樂善□□

君子玘生

仲寶仲文仲

□仲良

仲

讓瑾生仲實仲亨仲元仲元妻韓夫亡守義鄉黨

稱焉瓊生仲通仲敏瑛生仲威仲安仲可瑞生仲秀仲

慶仲

山瑜生仲簡珍生仲福仲祿仲榮仲昌璠生仲

祥由

戶

部令史歷

代

州澤州判官平晉縣尹今轉芮城積階承事郎

所至有惠利仲祿

吏部

籍記

各路提控案牘代次口家

初昭武以藥院僻遠負郭東北有別墅曰聖水令二弟徙居

之又自卜築于城南里為菟裘地故仲祥由其大父招討而

下仲祿自其裨提領始各立新阡于聖水西北原惟昭武之

後猶附葬于祖塋三房子姪合千餘指皆循循純謹遵奉家

訓匪仕則農田園沃壤水陸之利甲一州聯姻引戚莫非鄉

士大姓每歲上塚老幼畢集牲酒豐潔禮意殷厚以享以宴

熙熙

然

有太平淳朴之遺俗聞者歆歎予嘗竊有所感近

代

口兵緣邊郡邑首被其害當時勢家貴族

提

據權位其力足

以扞患難庇宗族一旦猝遇擾攘骨肉流離至

有

無遺類口

顧王氏儷倪田里之間而其後嗣乘時奮興奕世蕃衍漸被
 文明之化貞婦孝子良民吏表表出諸其門□非隱德所致
 能如是耶吾知楊公提額之意為不過矣因據其實而繫之
 以銘銘曰

於惟王宗 趾跡田里 世懋厥德 永依桑梓

天戈南麾 金祚時終 □□昭武 爰知適從 椎牛

犒師 義勳元戎 官超副將 教受斜封 昆季聯翩

或角或掎 合散扶□ □□生死 闔境趨風 威

名竝美 義訓于家 寔惟仲氏 □沱之源 溢為晉

川 淑人之壽 碩大且賢

□□重熙 聿敦風教 一門盛德 婦貞子孝 亦有

良吏 卓□民表 簪紱相承 □之□□ 雲臺北麓

繁峙東原 高墳纍纍 松楸茂蕃 代口勒銘 垂

裕 後昆 奉先思孝 欽此 格言

元皇慶元年□月吉日孫男承事郎芮城縣尹兼管本縣

諸軍奧魯勸農事王仲祥□□

石匠提領保□□□□李才興□

校通志金石記碑額篆王氏世德之碑後書皇慶元年孫男承事郎芮城縣尹兼管本縣諸軍奧魯勸農事王仲祥關乃仲祥爲其伯祖昭武將軍堅州左副元帥王兆所立碑云辛亥朝議吏定官制州郡武職多見易置辛亥爲蒙古憲宗元年時世祖以皇太弟領治漢軍民戶更新庶政也校元史地理志堅州唐繁峙縣金爲堅州隸太原路元因之明史地理志繁峙縣元堅州校今縣志王兆堅州人

卽今繁峙人縣志所列王兆傳皆据此碑碑云興定丁丑
大兵圍雁門游騎及縣境按元史穆呼哩傳戊寅自西京
由太和嶺入河東攻太原忻代澤潞汾霍等州悉降之据
碑堅州之降在丁丑先穆呼哩之下忻代一年可補史闕

碑云遷昭武將軍堅

繁峙縣志金石錄作監誤

州左副元帥招集流亡

勸課耕稼在職二紀威惠布聞辛亥謝事似兆以武職而
兼州任又云推公與縣人劉會同領縣事今縣志有劉會
傳據會會繁峙人金興定丁丑元兵徇代及境會率鄉人
歸命卽授堅州判官皆與此碑合又金史宣宗紀興定元
年二月元兵徇忻代亦與碑合碑首至大辛亥句今縣志
作至元辛亥按元史至大有辛亥至元無縣志誤碑爲前太
原路儒學正劉敬立撰据碑敬立於仲祥爲表兄弟

子於平晉

爲弟親表中友愛尤篤平晉縣尹卽仲祥故爲製文損本多磨泐縣志金石較

完而多訛舛今從其可信者碑所列王氏諸人兆斌仲祥

縣志均有傳按碑兆四子

兆還昭武將軍碑稱昭武卽兆

喜玘瑾瓊昇四

子瑛瑞瑜珍

昇卽碑云三翁

斌昇之一弟

一子璠仲祥璠子碑

稱歷代州澤州判官平晉縣尹今轉芮城卽碑末所列之

孫男仲祥故稱昭武爲伯祖碑所謂別墅者縣志在今聖

水村兆墓在今縣東五十里中莊村又碑所言斌捕武仙

餘黨事亦可補史闕碑題祕書監丞楊桓篆額元史楊桓

傳字武子兗州人中統四年補濟州教授歷遷祕書監丞

與碑所列官合傳稱桓精篆籀之學惟碑立皇慶元年而

傳言大德三年卒以碑故祕監楊公云云考之知桓篆額

在先又碑題同知堅州事許天麟書曲沃縣志許天麟博

學能文章尹河津同知堅州崇寬大黜奸慝民尸祝焉以
奉訓大夫晉甯路判官致仕通志天麟金進士琇孫碑題
堅州同知與志合碑有受監國公主教文校元史王楫傳
有監國公主山西通志以爲太祖之妹據高唐王碑則太
祖之女阿剌海也碑見通志金石記

奉聖寺碑

碑高五尺廣二尺七寸七分三十一
行行五十九字正書今在太原縣

聖禪寺記

必閣

碑

朝列大夫太原路□□□□管府兼管諸軍奧魯
中順大夫興路總□□□□諸軍奧魯勸農事

碑

碑

□□故墟寶沈□□□州坤維西山大麓有靈泉□混而出

適晉□□□□□□□□僅百餘步有名藍曰奉聖北隣唐
叔之古□南□□□□□□□□山靜而見能仁之性水清
而濯塵世之情過者瞻仰可以起廢□□□□歲久石
刻盡圯莫能詳其實里束耆舊有□道之者以□□□敬
德公為唐之功臣輔翼天策戡定禍亂一日愀然有感自以
平生□□□□□□甚衆惕然心悔禮於義興智滿國師者
割絕他命敢□□□□□之也若齊僧建剎何如曰一念善
心生獲福無涯洎聞已稽顙拜謝謁□□□□荅亦然
是以施此別業創為□剎武德末神堯高祖賜□□□觀中
村□國公左金吾衛上將軍常在左右居長安第然亦未始
不至于斯□後人思之繪其像于殿壁是剎在唐之世富貴
尊榮光華烜赫□□□□由唐降及五□宋金屢經治亂一

廢一興其間豈無名世高僧住持所憾碑碣湮沒卒不可考
金滅懼兵厄劫火焚毀殆盡惟正殿中殿法堂翠口大元國
初法制未之曩昔常住土壤昏昧於官吏編民鵲鶴爰戕之
家寺廢僧殘室如懸罄院主王百座素怯懦莫知所措聞大
愚智公大禪伯時在法價貴重諸僧率服壇那說從貴介豪
宗踵門不絕院主玉同官府鄉中父老脩疏懇請主盟遂受
疏允來住持不數年脩飾寺宇頗悉置口口口儒書外典
靡不觀覽遐邇慕之往者既不可追當以大愚智公和尚為
開山第一代宗主次及希深一問洩浩杲昌惠喜公等歷十
有一代禪師口口口營弗輟希克循清規善繼志述事始立
鄂國公塑像以祠之不忘本也深翊五花方丈一建寢堂置
良材別墅田疇初本寺有下院在交城城村板蕩口口

聖朝有 特旨渝剎道院者歸復時問住持智子子如掌其
事詣官析其實久訟然後復下院於本寺併歸沃上陸田若
千頃嚴飾法堂具法座□□碾淺不動常住竭已囊金鳩工
刻梓完悉毗盧千花佛像粧塑金剛浩本榆閔儒家子夙度
為僧德法於牓牛不唯透脫禪機抑亦兼明教相亟□□子
集悉能誦說終無固必締寢殿□廊建門面三間杲採木深
山勞心役形與衆同辛苦至誠感於山靈以其寺倚西巖勢
宜東向□其兩廊推與□抵溪流折迴作鰲首狀轉而南北
會合夾聳三門倉庫厨舍具焉來者仰觀大廈朱甍觚稜寶
吻壯麗華藻鬱若飛鷲昌能補前□落成平砌磨礱□繪水
陸聖像於行廊喜雲中人姓張氏天資頴悟妙齡開堂動靜
必循規矩作止自有威儀德盛於己善及於人以時輩論之

山不名卷之三
誠禪林中翹楚者也。結瓦中殿寢殿方丈法堂祖堂等完
然一新。易其田疇。衆僧咸賴其利。大德癸卯。坤道失。上下
兩刹多致圯壞。悉能全其舊功。如是則播餘芳。公大禪
伯矣。智公系出自在王山嗣。膝默上人大愚。其自号也。議
謂自唐滿公以來。越五季迄宋金。名為禪苑。彼時住持。竟莫
能知。誰何自我。

皇元大愚宗師一開禪室。俾學者有所歸。依次及十有一代。
相傳洞洞屬屬。明明了了。衣鉢授受。無言說而德化日新。默
然脗合於祖師西來之意。有象而得象。象勲勞。合緣有
生而悟無生。法會因由。非人力之所能為。蓋如來啓迪之也。
代來傳法救度有情願。一切衆生皆證菩提果。今敘諸
石以壽其傳。可不為之銘邪。銘曰。

晉山之垠 晉水之數 奉聖名藍 歷歲悠久 立傳
李唐 鄂公倡首 五季宋金 隆替迭有 禪闕雖存
孰能來扣 金□□□ 碎碧頽垣 荆生鹿走 子
遺老衲 儲無升斗 逮我 元朝 智公禪叟 蕩散
群妖 獅子一吼 經營弗刹 何異□□ 惟在吾手
掃除穢污 迥出吾筭 雲集諸僧 獨為樞紐 正
法相傳 十世□垢 次第策勲 精勤不苟 垂訓來
裔 逮爾□□ 諦視妍醜 一樂迷情 萬善掣肘
循序而行 慎勿矯揉 爰刻斯銘 庶乎不朽
昔大元皇慶二年重午日
自在三山十方天圓明禪寺第□十五代住持傳法□祖
沙門嵩□

十方奉聖禪寺第十一代住持傳法嗣祖沙門雲溪佛

碑

校通志金石記元奉聖寺碑王居實撰碑今尚完好惟泐

撰書人名僅存朝列大夫太原路中順大夫晉甯路總管

及奧魯勸農事等字與今碑題同太原縣志奉聖寺在晉

祠南唐武德五年鄂國公尉遲敬德禮釋滿公捐別墅創

建高祖賜額十方奉聖禪寺公遺像在焉金貞祐間兵燬

正殿中殿法堂率堵波僅存元初釋洪智重建皇慶二年

王居實撰碑

至正十八年災明洪武二十四年重修內刻唐李德裕爲張宏靖祭唐叔文

按縣

志碑稱爲王居實撰則道光六年重修縣志時碑撰書人

名猶未缺也元史本紀大德九年四月辛亥以地震改平

陽爲晉甯太原爲冀甯此碑前題銜一曰太原總管一曰

冀甯總管則一在大德八年以前任一在九年以後任碑

見通志金石記

真常宮記

碑連額高五尺二寸廣一尺九寸五分二十行行四十九字額題皇元真常宮記六字均正書今在芮城縣柴村大元勗建晉寧路解州芮城縣下莊真常宮記

條山之顏大河之陽東接平陸西距永樂綿袤二百餘里其風土和適人俗醕梗又多古賢僊聖之蹟如黃帝鑄鼎之原五老化星之山夷齊段干之靈祠純陽道華之仙宇環而一覽皆在乎指顧之內有縣名芮城即春秋古魏國也昔芮姜惡其子伯萬逐出居之後遂以芮名國茲縣得名之由去縣東北且邇曰下莊有道宮曰真常乃唐澤淨觀也觀自唐而下歷五代宋金之世其興替者屢矣殆亦隨其時運變革抑密有數存焉當

皇元開國之初復轉為崔氏居宅里人有張果善者悟身世緣空棄俗從道購得崔宅將復舊觀願其力不贖請主于通玄子楊志安谷神子樊抱一用成已志而二子道名素著遂招徠雲家勸化善人儲積有豐乃行宏構以其道緣有在故其人心樂從其願甘為苦作者以月日計功幾三十年

三清有殿祖真有堂靈官有祠道家有室若齋厨庫廩蔬圃果園陸田水磴之屬按緒而畢其外護功德贊成其事者皆一方口善資之而大夫呂公總領王公運力居多歲甲寅樊即世楊慮事恐有墜且念道無宗乃遣門人焦志潤張志普齋狀走燕禮教真常真人為師以是宮隸長春別館於是真禪師俾門人長春提點希真恭默致虛真人仇公往來綱維之中統辛酉時仇口居王屋靈都宮楊乃馳疏敦請住持公

既至凡宮事之未遂與其功之未完者咸為落之至元戊辰
掌教誠明真人陞觀為官□今名焉今諸路道教提點兼領
真常宮事通玄集義資德大師茹君仲安即故真人仇公高
弟持先輩史公天緯所為澤淨觀□銘道是宮提點楊公志
德等誠懇來謁記既不得辭姑按其事而次第之夫道有本
末猶泉有源委而世逐迷背覺日趨浮偽非高堂廣宇不能
起其肅非大像辟容不能起其敬故神聖密化因其肅敬返
其良心俾人捨妄入真以造乎至善之地茲像教興行而宮
觀有尚也原其宮觀像教所起不無其自始於黃帝獲玉像
天尊中而周穆獲金像道君次則漢武獲銀像老君或置于
高觀之上或奉於內宮或安於甘泉帝皆躬行祀禮而尊崇
之而後時君大姓欽遵者代代有之自長春真君應

詔以來(玄)化既行而教風益著其華宮壯觀巨容儼像而星羅夷夏其奉真敬道之姓無間王侯商販以今視昔則相去万万也噲道教其盛乎

至大四年二月真元日緘雲王道亨記

洞微(弘)教講師張道備書丹并額

皇慶二年五月初口日

真常宮住持提點崇真大師楊志德

提舉辛道果

知宮邢道誠 焦道源立石

洛陽劉廷秀刊

按芮城縣志真常宮在縣東北七里柴村舊名澤清觀

碑云

澤清觀

元改今名皇慶二年住持提點崇真大師楊志德道

人王演華重修邑人蕭義記

明洪武間置道會司併太清紫清延生岱嶽碧虛五觀人

焉

碑言皇元開國之初里人有張果善者議復茲觀至元

戊辰掌教誠明真人升觀爲宮易名焉按戊辰至元四年

碑所云眞常真人者卽李眞常見元史本紀憲宗元年六

月卽位改更庶政以道士李眞常掌道教碑末題至大四

年二月王道亨記張道備書皇慶二年眞常宮住持楊志

德等立石

卽芮城志之楊志德

碑見通志金石記

儀氏先塋記

碑高六尺三寸三分廣二尺七寸二十六行行六十三字正書今在解州

解梁儀氏□□記

翰林待制奉直大夫同修國史陳孚譔

榮祿大夫平章政事商議中書省事察罕篆額

朝列大夫奉元路總管府治中□忠佐書

予自翰苑于寧還台□別駕儀侯踵門請曰家解人也世為
望姓先君子昭武公魁梧英鷲以行義聞于里□之末□□
□□□□□□□□□撫使翹□超距霆迅飈馳行省
材之檄攝號州操闐戟壓蘭石下晝夜不少休俄號弗支則
堡中條之上豺狼所嗥荆榛所□□□崇以□□□□
□□□□擾鋤駢肩聽命三舍□遠廬放櫛比會金甌於汴
鋒鎬蝟起大河之北血丹原野骸積如阜聖朝不□民之荼
毒命使者傳堡下諭以面內公大集將佐詢之皆頷頽負□
欲背城借一曰惟有死耳□□告□□□□□□□□
□□以萬計何事焉□金□足為之死哉叨憤毒痛天始絕
之河朔列城百數昔魏金湯舉若□□然豈人力乎今虎旅

雲集鉦鼓震地□□□□□□□□□□魚肉矣與
其束手待盡孰若去虐効順為昇平新民乎不然吾不能血
數萬生靈以釣身後名也衆驩曰善遂以州婦職方氏 聖
朝嘉之不戮一人市按者如故□賜公金符解州節度使居
無何慨然曰吾奉□歸命治鄉□耳非利之也今□□□□
□□□□□□□老既得謝□巾苴□徜徉聖閑念祖父有
令望而潛弗□以死且□在淺土惟是春秋窀穸之事曠□
久之□寢□嘗長號欲絕以□□□□□□□□於紫
金□之陽芟其灌莽胥其隰原躬自負土繚以□垣塋之若
堂若斧悉舉數世之喪序以昭穆窆焉禮也公壽七十有四
乃死不肖□以□□□□□□□□□□□□之□□□
麇牲之石未□之紀大懼無以光昭先君于地下公知□□

且□太□氏敢固以請乎□之□然□嗚呼美□昭武公□
□乎□□□孝□□□□□之際□□□以迎義旅遂成
千里之安非識天命者乎苦塊之餘卜年□□□襄事遂
成千載之安非盡天性者乎惟其識天命故□□□以
死□□□□□所謂□經合道者是也惟其盡天性故不
死其祖父而有以_(寧)其死孝也□□慎終追遠者是也□□
□□□之人未□有全焉昭武公知之□□□□□□□
□□□父爵同知解州□有政績既而尹曲沃隍川修武
濟陰皆以□□□民治聲載□□□□遂□保德武義深
□□州者□其在台□□□□□□□□惟□□□
□□晏如野無吏跡非家庭有以訓之□□故□□□載□
□□□□□□□□□□信之方伯連率薦之未嘗有

一政之□□□□□□□□□□□□□□□□卓犖有立可謂
家之孝子國之純臣民之慈父母矣今又以其□□拳拳焉
求儒者一言以垂不朽於是知□□公之孝之□與別駕之
所以□儀□□□□□□□□□□□□千人者子孫有封袞安
陶侃皆以葬父吉地為時鉅公夫吉于其人不予其地葬地
之吉孰若心地之吉安與侃□□烜赫其忠□□□□□□
□□□助□□□□□□□□氏先塋在紫金山之陽中條諸峯劍
插於前□河□□□□繞于後山川扶□清淑之氣鍾而為人
為子必孝為臣必忠將如鳳□□□□□□□□聖世之瑞別駕
與其子孫能因昭□□□德擴而□□事君必忠事親必孝
□幽可以通神明□□以厚風俗其不為袞安陶侃乎然□
吾於儀氏深□□矣昭武公□肅□□□□□□□□於□□

□別駕□□□□□□□同知台州路總管府事□大□
□年□月□天台陳□記

皇慶二年癸丑□月□□□□

大中大夫揚州路高郵州知府□勸農事□□□□

按碑題翰林待制奉直大夫同修國史陳孚撰榮祿大夫
平章政事商議中書省事察罕篆額朝列大夫奉元路總
管府治中關忠佐書元史陳孚傳字剛中台州臨海人幼
清俊穎悟讀書過目成誦終身不忘至元中孚以布衣上
大一統賦江浙行省爲轉聞於朝署上蔡書院山長考滿
謁選京師二十九年世祖命梁曾以吏部尚書再使安南
孚調翰林院編修官攝禮部郎中爲曾副三十年正月至
安南使還除翰林待制兼國史院編修官除建德路總管

府再遷衢州秩滿請爲鄉郡特授奉直大夫台州總管府

治中大德七年卒今以碑末題同知台州路總管府事大

關年關月關天台陳關記考之則予撰此文當在官台州

時察罕元史有傳續資治通鑑皇慶元年十月癸未中書

參知政事察罕爲平章政事商議中書省事延祐元年三

月癸丑中書平章察罕致仕察罕暮年居德安白雲山別

墅以白雲自號本傳皇慶元年進榮祿大夫平章政事商

議中書省事乞歸解州立碑先塋許之碑立皇慶二年正

察罕進榮祿後爲平章時元史地理志皇慶元年改安西

爲奉元路此碑立皇慶二年故忠佐結銜得題奉元路碑

言予自翰苑於甯還台別駕儀侯踵門請曰家解人世爲

望姓先君子昭武階公魁梧英鷺以行義聞於里行省材

之檄攝虢州俄弗支則堡中條之上會金竄汴

按金貞祐二年遷汴

大河之北血丹原野骸積如阜聖朝不

關校當為忍字

民之荼毒

命使者傳堡下諭以面內校謂諭令降附碑云公大集將

佐詢之皆頷頰欲背城借一公曰吾不能血數萬生靈鈞

身後名也遂以州歸職方氏按碑不著以州歸附之年王

利用周千戶碑貞祐初中原受兵閱再祀雁門陷明年春

大兵至侯率眾迎謁郡王

即岱遜

授定襄令遂從南略太原

遼沁晉絳河解望風款附

校太原以興定二年九月陷

此解州降附之

證碑云賜公金符解州節度使金史地理志解州貞祐三

年升為節鎮軍名寶昌興定四年徙治平陸此碑授解州

節度因金舊制也碑云公壽七十有四又云

關父

校上當為襲字

爵同知解州有政績既而尹曲沃隰川修武濟陰皆以

關

民治聲此謂儀公之子按元初牧守皆世襲至元二年始
革之見元史本紀由解州同知遷尹曲沃必在至元初末
云袁安陶侃皆以葬父吉地爲時鉅公以況儀氏之必有
後碑末題揚州路高郵州知府兼勸農事闕則皇慶二年
已遷尹高郵以陳孚記觀之則儀君爲吏亦有可述今文
多泐通志金石記元儀氏先塋碑高郵知州儀叔安立即
其人也解州志元宣撫司儀肅墓在州西北十六里侯村
翰林待制陳孚記刻本訛作陳學謂此碑